

Durante e exitoso inscripcion di Festival di Tumba na Corsow..

RAMPHIS TROMP A SER RICIBI CU HOPI ATENCION..

Fotos/texto: Jan Poets.

DEN AMBIENTE

** Diadomgo siman pasa DEN AMBIENTE cu gran cooperacion di Top 95 fm, tabata den Curacao Festival Center durante e tremendo ambiente cu tabata reina relaciona cu e grandioso happening di inscripcion pa e festival di Tumba Corsow 1999.

Porcierto DEN AMBIENTE a realiza e viahe hunto cu Ramphis Tromp y tabata testigo con bon el a ser ricibi y cuanto atencion el a goza di dje durante e grandioso dia di inscripcion.

Durante e diadomingo ey, tur e medianan di comunicacion di mas importante na Corsow, a paraliza tanto Corsow y

Bonaire completamente cu entrevistanan cu tanto e tumberonan como nan compositor y arreglistanan.

Tambe Tele Curacao den un forma enbibo a realiza esaki for di 1'or di merdia cu Diputado di Cultura Drs. Magda Rafael a habri e programa di inscripcion te cu 6'or di atardi na momento cu Gezaghhebbber Stanley Betrian a cera e parti di inscripcion. Aki na Aruba den un forma exclusivo por a biba cu e momentonan aki atraves di Top 95.

E inscripcion a sera cu 83 tumbero entotal, entre nan Ramphis Tromp co-



**** Aki por aprecia Ramphis Tromp, Brian Kamperveen, Betty Doran durante entrevista cu Radio Hoyer 1..**

mo e unico Arubiano y Brian Kamperveen como e unico Boneriano. Porcierto ambos ta ser acompaña pa e banda musical Locomotion y bao guia di e gran compositor Betty Doran.

Ramphis Tromp lo presenta riba e prome dia di e festival cual ta dialuna awor dia 25 di Januari. Hunto cu Locomotion como e banda number 5, Ramphis Tromp lo bay bolu Corsow riba bao cu e tumba "Calbas Largo".

DEN AMBIENTE ta desea Ramphis Tromp hopi exito y ta spera cu e lo bay pone Aruba riba bao na momento cu Aruba a haya e grato noticia cu Ramphis Tromp ta un di e finalistanan pa e gran final diabierna dia 29 di Januari..



**** Ramphis Tromp den entrevista cu Hermanito Narvaez di Tele Curacao, cual porcierto a ser realiza den un forma enbibo pa henter Corsow y Bonaire..**




**** Ramphis Tromp a haya e honor pa ricibi palabranan di tur clase di exito for di Prome Minister Sra. Mr. Suzy Camelia-Romer y su esposo Sr. Mr. Carl Camelia cu porcierto ta Presidente di Hurado..**



**** Foto ta ilustra e momento cu Ramphis Tromp a inscribi su nomber, cual a ser realiza den compania di su compositor Betty Doran y Elia Isenia kende tambe ta bay cu un tumba compone pa Betty Doran. Patras di Betty Doran por mira e tumbero Farley Lourens vigilando e inscripcion cu hopi atencion...**



**** E Tata eterno Rey di Tumba, Boy Dap, tambe a hala hopi atencion cu hasta e periodistanan no a dune ni chens pa drenta den Festival Center...**



**** Di e forma fenomenal aki e ambiente tabata reina durante e inscripcion di Festival di Tumba den Festival Center...**